



Inatsisartunut ilaasortaq Múte B. Egede, Inuit Ataqtigiit
Inatsisartut Allattoqarfiat
/Maani

Tusarniaatitsisarnerit pillugit § 37 naapertorlugu apeqquutip nr. 2019/167-ip akineqarnera.

23-04-2019
2019-9940
Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
e-mail: govsec@nanoq.gl
www.naalakkersuisut.gl

Asasara Múte Bourup Egede,

Inatsisartut Suleriaasianni § 37 naapertorlugu tusarniaatitsisarnerit pillugit Naalakkersuisunut apeqquateqarsimavutit. Apeqquutigisatit uannit akisassanngortinneqarsimapput.

Apeqquutigineqartut ima oqaasertaqarput:

- 1. Malittarisassaq una Namminersorlutik Oqartussat inatsisinut allaffeqarfiannit suliaasimasoq naapertorlugu "Inatsisitigut najoqqutassanik, Kungip peqqussutaanik, nassuiaatinik il.il. Namminersorlutik Oqartussani avataanullu tusarniaanernut najoqqutassat" tusarniaanerit pisarnerat Naalakkersuisunit uppernarsarneqarsinnaava? Akissut naamiuppat; taava malittarisassat sorliit taarsiullugit atorineqarpat?**

Tusarniaatitsisarnerit ataatsimut isigalugit maleruagassat atuuttut naapertorlugit ingerlanneqartartut Naalakkersuisut isumaqarput, takuuk tullinnguuttuni nas-suiaatikka.

Aallarniutigalugu maleruagassat apeqquutigineqartumi taaneqartut allaffissornerup iluani maleruagassaammata, maleruagassallu ilitersuutaanerummata erseqqissaa-tigissavara. Maleruagassani tamakku atuarneqarsinnaapput, tamatumunngalu ilaa-tigut pissutsit inatsisilerinermut tunngassuteqartut pissutaapput. Tamatumunngalu ilaasoq tassaavoq inatsisit ikigisassaangitsut immikkut aalajangersakkanik assigiinngitsunik imaqartarnerat, tusarniaatitsisoqarnissaanullu piumasaqaatita-qartarnerat.

Inatsiseqartitsinerup iluani inatsisit ilarpassui inatsisinik, peqqussutinik allanillu imaqartarput, akuttunngitsumillu tusarniaatitsisarnernut aalajangersagaqartarlutik. Inatsisini tusarniaatitsinissamut immikkut aalajangersagalinni assersuutitut taaneqarsinnaasunut ilaapput suliat suliarineqartarnerat pillugit inatsit, aatsitasanut inatsit, aalisarnermut inatsit, unammilleqatigiinnermut inatsit, avatangiisinik illersuinissamut inatsit, akileraaruserinermik ingerlatsinermut inatsit, sulianut annertuunut inatsit aamma nunaminertanik atuinissamut pilersaaruserinermullu inatsit.

Maleruagassat apeqqummi taaneqartut saniatigut Naalakkersuisut allaffissorne-rannut ilitersuutit suliffimmi atorineqartussat allallu atuutsinneqarput. Assersuutiginetarsinnaasunut ilaapput Inatsisartut ataatsimiinnissaanut inatsisitigut male-ruagassat ilitersuutillu.

Tamakku tunngavigalugit apeqqutigineqartumut tunngatillugu tusarniaaneri pil-lugit aalajangersakkanik ilitersuutinillu assigiinngitsunik atuuttoqarmat oqaati-gissavara, tamakkulu allaffissornikkut sulinissap piareersarneranut ilanngunne-qartarput. Inatsisitigut najoqqutassianut allanullu apeqqummi taaneqartunut sulif-fiup iluani avataanilu tusarniaatitsisarnernut maleruagassat malittarisassanut ili-tersuutinullu taaneqartunut ilaaginnarput, kisiannili malittarisassanut ilitersuu-tinullu atuuttunut allanut ataqatigiissutut isigineqassallutik.

2. Tusarniaanernut najoqqutassat Namminersorlutik Oqartussat quppersa-gaanniinnginnerannut, taamatullu tamanit takuneqarsinnaannginneran-nut suna patsisaava?

Apeqqut 1-imut akissutigat innersuussutigalugu nalunaarutigissavara maleruagas-sat taaneqartut Naalakkersuisut sulinissaannut allaffiup iluani atugassaammata, taakkuuppullu tusarniaanernut malitassat ilitersuutillu arlallit akornanniittut.

3. Ukiup kingulliup ingerlanerani tusarniaanernut Namminersorlutik Oqartussat najoqqutaa allanngortinneqarsimamava? Akissut aappiup-pat: suut allannguutaappat?

Maleruagassani taaneqartuni massakkut saqqummersut kingullersaat 2018-imi ag-gustimeersuuvoq. Maleruagassani siusinnerusukkut saqqummersimasuni allan-guutaasimasut akissuteqarninni tulleriiartariaqanngitsutut isumaqarfigaakka. Soorlu siuliani taaneqareersoq matumani allaffissornikkut allagaat qitiusumik allattoqarfimmut attuumassutilik pineqarpoq.

4. Ukiup kingulliup ingerlanerani tusarniaanernut najoqqutassat pillugit Namminersorlutik Oqartussat suliamut susassaqtunut allanut paasisutissiisimappat? Suliamut susassaqtut tassaasinnaapput kommunit, NGO't sullissisullu.

Maleruagassat taaneqartut qanoq ittuunerat innersuussutigalugu, takuuk apeqqutitut 1-3 akissutigisakka, maleruagassat pillugit avataanut ataatsimut ilisimatitsisoqarnikuunngilaq. Soorlu taaneqareersoq matumani allaffiup iluani allaffissor-nikkut allagaat ilitsersuinnermut tunngasoq pineqarpoq, taannalu tusarniaasarnernut inatsisitigut malittarisassanik periutsinillu immikkorluinnaq ittunik ima-qarpoq.

Nalunaarutigisinnaavara kingullermik maleruagassanik aggusti 2018-imi misissuisoqarnera pisariaqartitsinermik tunngavilersorneqarsimammat, misissuinissarlu pisariaqalersimavoq Kanukoka-p Naalackersuisullu akornanni tusarniaanernut isumaqatigiissutip 20. maj 2010-meersup siusinnerusukkut atuuttup kommunit atorunnaarneqarnera nangillugu. Soorunami aamma kommunit tamanna ilisima-vaat.

5. Naalackersuisut sapaatit akunnerisa amerlassusaat aallaavigalugit tusarniaanernut killigititaqarnek naapertuuttutut isigaat?

Apeqqutigineqartunut siuliiniittunut akissutigisakka innersuussutigalugit nalunaarutigissavara inatsisini tusarniaanernut akissuteqarnissamut piffissaliussat assigiinngitsut atuuttuummata aamma Naalackersuisut tamakku tunngavigalugit sulinissamik piareersaasarmata.

Tusarniaanernut killissarititat inatsisitigut aalajangersarneqartut saniatigut ataatsimut tunngavissanik atuuttoqarpoq, soorlu ilaatigut tusarniaanernut killissarititat tusarniaariaatsinut assigiinngitsunut avillugit suliarineqartassasut kiisalu siunnersuutitut tunngatillugu tusarniaanissamut killissarititat suliarineqartassasut siunnersuutip annertussusia qanoq ittuuneralu tunngavigalugit immikkut nalilersue-reernikkut.

Tunngavigineqartut tamakku aallaavigalugit aamma suliassaqarfik suna pineqarner-soq apeqqutaalluni tusarniaanissamut piffissarititat assigiinngitsut atuunne-rat eqqarsatigalugit Naalackersuisut isumaqarput suliatiqut tunngavissaqanngitsog aalajangersimasumik killissaqarluni tusarniaatitsisoqassappat, matumani sapaatip akunneri aamma tusarniaanernut killissarititat naatsorsuiffigalugit.

6. Naalackersuisut susassaqtunut tusarniaanerni akissutitigut uparuarneqarnek pitsaasutut isigaat?

Aap, soorunami. Ilaatigummi maleruagassani taaneqareersuni erseqqissarneqarnikuuvoq tusarniaasoqarnerani makku pingaarnertullugit periarfissaasasut:

- ilisimasat misilittakkallu oqartusaasut, suliffeqarfiit, suleqatigiiffiit allallu suliassaqarfigisaminni ilisimalersimasaat ilanngunneqassasut,
- soqutigisaqartuni inatsisinnortussanut ilisimasaqareernerup piginnittoqataannissallu inerisaaffiunissaat, aamma
- suliniutinut nutaanut pisortat inuinaallu naliliinerannut tamat oqallinnissaannik pilersitsinissaq takunnissinnaanerlu.

Tassunga atatillugu erseqqissarneqassaaq immikkoortut tamakku ingerlatsivinni ammasuusqarnissaa, pitsaassutsimik qulakkeerinnittoqartarnissaa peqataatitsisarnissallu pillugit tamat oqartussaaqataanerisa qulakkeernissaanut ataatsimoorlutik iluaqutaasussaammata.

Ingerlatsinermik suliaqarnermut aamma inatsisinik suliaqarnermut ilaasutut tusarniaanerit tamakku naleqartitassatut assersuutissatut nassuiaateqarninni isigaakka.

7. Naalackersuisut tusarniaariaatsini ammanerunissamik pilersaaruteqarpat? Akissut aappiuppat: Qanoq? Akissut naamiuppat: Sooq?

Suliffeqarfiup iluani maleruagassat kingullermik 2018-imi aggustimi misissorneqarsimanagerat innersuussutigalugu tusarniaanernut suliffeqarfiup iluani ingerlanneqartunut allannortitsisoqarnissamik massakkut pilersaaruteqartoqanngilaq.

Tamatuma saniatigut tusarniaatitsisarnerni atuutereersuni malunnartumik ammasoqarnera innersuussitigissavara. Assersuutitullu taaneqarsinnaavoq inatsisissatut siunnersuutinut missingiutit, aalajangiinerit allallu tusarniaatiginissaannut Naalackersuisut tusarniaanermut nittartagaa aqutugalugu assigiimmik isersinnaatitaammata.

Akissutip matuma suliarineqarnerani inatsisissatut siunnersuutinut nalunaarutinnullu missingiutit 17-it Naalackersuisut tusarniaanermut nittartagaanni tamanut tusarniutigineqarmata nalunaarutigisinnaavara. Siusinnerusukkut tusarniutigineqartunut toqqorsivimmi assersuutigalugu takuneqarsinnaavoq tusarniaanermut nittartakkami inatsisissatut siunnersuutit 57-it 2018-imi tusarniutigineqarsimasut. 2017-imilu tusarniaanerit 98-iusimapput.

Suliap qanoq ittuunera apeqqaalluni tusarniaatitsinerit ingerlanneqartut, tusarniaanermullu akissutinut tiginneqartunut oqaaseqaatit immikkut uppernarsarner-

tassapput. Tamannalu assersuutigalugu pisarpoq Naalackersuisut inatsisissatut siunnersuutitut nalinginnaasumik nassuiaateqarnerisigut imaluunniit pisortat tusarniaatitsinerannut nalunaarusiani immikkut ittuni.

Apeqqutigineqartunut allanik nassuiaatissaqanngilanga.

Inussiarnersumik inuulluaqqusillunga

A handwritten signature in black ink, appearing to be 'Kim Kielsen', written in a cursive style.

Kim Kielsen